



Broj: 02-04-1292/26  
Trnovo, 28.04.2026. godine

Na osnovu člana 70. Zakona o javnim nabavkama („Službeni glasnik BiH“, br. 39/14, 59/22 i 50/24), člana 18. Pravilnika o javnim nabavkama u Općini Trnovo (broj: 02-04-74/23 od 11.01.2023. godine i 02-04-74-1/23 od 15.01.2024. godine), a na prijedlog Komisije za provođenje postupka javnih nabavki broj: 02-04-1292/26 od 24.04.2026. godine, u postupku javne nabavke roba – Dizel gorivo za službena vozila, Općinski načelnik, po ovlaštenju Općinskog vijeća Trnovo, donosi:

### ODLUKU o izboru najpovoljnijeg ponuđača za nabavku roba

#### Član 1.

Prihvata se prijedlog Komisije za provođenje postupka javnih nabavki broj: 02-04-1292/26 od 24.04.2026. godine, te se ugovor za javnu nabavku roba – Dizel gorivo za službena vozila dodjeljuje ponuđaču: HIFA PETROL D.O.O, SARAJEVO, Hotonj bb, Vogošća, ponuda broj: JN-1246/26 od 08.04.2026. godine, za ponudenu cijenu u iznosu od 13.519,00 KM bez PDV-a, kao najpovoljnijem ponuđaču.

#### Član 2.

Prijedlog ugovora o javnoj nabavci dostavit će se na potpis izabranom ponuđaču na adresu: Hotonj bb, Vogošća

Izabrani ponuđač obavezan je da, u roku od 7 (sedam) dana od dana prijema ove odluke, dostavi dokaze o kvalificiranosti, ne starije od 3 (tri) mjeseca računajući od dana dostavljanja ponude, u suprotnom će se postupiti u skladu sa članom 72. stav (3) tačka b) Zakona o javnim nabavkama.

#### Član 3.

Za izvršenje ove odluke zadužuje se i ovlašćuje nadležna služba Općine.

#### Član 4.

Ova odluka objavit će se na web-stranici [www.trnovo.ba](http://www.trnovo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-1292/26 od 07.04.2026. godine, nakon prethodno izvršene provjere tržišta.

Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 17.094,00 KM.

Tenderska dokumentacija objavljena je na Portalu javnih nabavki dana 08.04.2026. godine, dok je Obavještenje o nabavci objavljeno u „Službenom glasniku BiH“, čime je osigurana transparentnost postupka.

Komisija za provođenje postupka javne nabavke dostavila je dana 27.04.2026. godine Izvještaj o radu broj: 02-04-1292/26 od 24.04.2026. godine, sa prijedlogom za donošenje odluke o izboru najpovoljnijeg ponuđača u postupku javne nabavke roba – Dizel gorivo za službena vozila.

Izvadom iz Izvještaj o radu utvrđeno je da je Komisija blagovremeno i pravilno izvršila otvaranje i ocjenu pristiglih ponuda, te sačinila odgovarajuće zapisnike, pri čemu je utvrđeno sljedeće:

- ukupan broj pristiglih ponuda: 2,
- broj blagovremeno zaprimljenih ponuda: 2,
- broj neblagovremeno zaprimljenih ponuda: 0.

Daljim pregledom i ocjenom ponuda utvrđeno je da jedna ponuda nije ispunila uslove iz tenderske dokumentacije, te da nisu sve ponude ocijenjene kao prihvatljive.

Uvidom u dostavljenu ponudu ponuđača: HOLDINA D.O.O. SARAJEVO, Azize Šaćirbegović 4b, Sarajevo, broj: 012/40005515/09-04-26/228 od 13.04.2026. godine, Komisija je utvrdila da ista nije sačinjena u skladu sa tenderskom dokumentacijom, jer ponuđač nije dostavio kopiju ponude, koja je u tački 15. tenderske dokumentacije – „Način dostavljanja dokumenata“ – izričito propisana kao obavezan sastavni dio ponude. U navedenoj tački je propisano: „Ugovorni organ od ponuđača zahtjeva i kopiju ponude, ona se dostavlja zajedno s originalnom ponudom. Jasno naznačava »original« i »kopija« ponude. U slučaju razlika između originala i kopije ponude, vjerodostojan je original ponude.“

Tenderskom dokumentacijom je jasno propisano da se ponuđač pri pripremi ponude mora u potpunosti pridržavati svih zahtjeva i uslova iz tenderske dokumentacije, te da ponuda mora sadržavati sve tražene obrasce, dokumente i priloge, kao njen sastavni dio.

Komisija je ocijenila da nedostavljanje kopije ponude predstavlja neispunjavanje obaveznog i izričito propisanog zahtjeva tenderske dokumentacije, te da isti nedostatak ima karakter bitne neusklađenosti ponude sa zahtjevima tenderske dokumentacije. Takav nedostatak se ne može otkloniti naknadnim dostavljanjem, pojašnjenjem ili dopunom, jer bi to predstavljalo suštinsku izmjenu ponude nakon isteka roka za dostavu ponuda, što nije dopušteno u skladu sa Zakonom o javnim nabavkama BiH.

Shodno članu 2. stav (1) tačka 1) podtačka 3) Zakona o javnim nabavkama BiH, ponuda koja nije sačinjena u skladu sa tenderskom dokumentacijom smatra se nepravilnom, a u vezi s članom 57. Zakona o javnim nabavkama BiH, ponuda mora biti sačinjena u skladu sa tenderskom dokumentacijom.

U smislu člana 68. stav (4) tačka i) Zakona o javnim nabavkama BiH, Ugovorni organ dužan je da odbaci ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

Imajući u vidu navedeno, ponuda ponuđača HOLDINA D.O.O. SARAJEVO ocjenjuje se kao nepravilna, te se ista odbacuje u skladu sa članom 68. stav (4) tačka i) Zakona o javnim nabavkama BiH. U postupku ocjene provedenog postupka utvrđeno je da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda u skladu sa kriterijima iz tenderske dokumentacije. S obzirom na to da je u postupku preostala jedna prihvatljiva ponuda, nije bilo uslova za provođenje e-aukcije, te je postupak nastavljen rangiranjem ponuda u skladu sa kriterijem najniže cijene.

U postupku ocjene rukovodilac ugovornog organa nije našao nepravilnosti niti propuste u odluci, koji bi mogli biti osnov za neprihvatanje njene preporuke.

Na osnovu svega navedenog, utvrđeno je da je postupak proveden u skladu sa Zakonom o javnim nabavkama, podzakonskim aktima, internim aktima i tenderskom dokumentacijom, te je odlučeno kao u dispozitivu ove odluke.

#### POUKA O PRAVNOM LIJEKU

Protiv ove odluke može se izjaviti žalba u roku od pet dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama.

Izradio:

Kontrolisala:

Dostavljeno:

1. Ponuđačima
2. U spis predmeta
3. www.trnovo.ba